

حوار مع زوجة رئيس تخلله مداخلة من ابنة رئيس آخر

## جيهان السادات: السادات أخطأ بتعديل المادة الثانية من الدستور

✓ هدى عبدالناصر: هناك شكوك حول سبب وفاة والدى

فجرت "جيهان السادات" مفاجأة من العيار الثقيل عندما قالت في برنامج "على الهواء" على شبكة أوربيت .. إن الرئيس السادات أخطأ عندما قام بتعديل المادة الثانية من الدستور ليجعل الشريعة الإسلامية المصدر الأساسي للتشريع، وبررت قيام السادات بهذا التعديل لأنه أراد مساعدة التيارات الدينية .. وكانت النتيجة أنهم قتلوه .. وهذا درس يجب أن نتعلم منه .

وعندما سألها مقدم البرنامج عن جماعة الإخوان المحظورة قالت: مش عايزين ندخل الدين فى السياسة .. والسؤال الأهم : هل لهم وجود أم لا ؟ .. لا يمكن أن ننكر أن لهم وجودا لكن يجب أن نقنن هذا الوجود بحزب .. لكن بلاش الدين .. كلنا «مسلمين»، يعنى مفيش واحد منا مش عارف دينه، وكمان خاصة وأنه فى مصر ايضا أقباط .. والمفروض الوحدة الوطنية لا بدخلها حاجة مثل الحزب الدينى، لأن وجوده أمر غير صحى .

وقارنت جيهان السادات بين الحريات الشخصية خاصة، ارتداء الملابس فى الخمسينيات والآن، قائلة: ملابس المرأة الآن تشعرنى أننا نسير للخلف، والدين الإسلامى أعمق بكثير من الأمور السطحية، وأزعج جدا لما أشوف أننا نتمسك بالقشور ونترك الجوهر .. احنا بنقول الاحتشام، يعنى المرأة تبقى محتشمة .

وحول ما كان يقال عنها من تدخلها في صنع القرار السياسي بالتأثير على زوجها الرئيس الراحل أنور السادات قالت: أنور السادات كان رجل له هيبتة واحترامه .. ولدة اثنتى وثلاثين سنة هي فترة زواجنا حتى وفاته وأنا أعمل له اعتباراً .. فمش ممكن أخذ قرار .. هو أنور السادات كان ناقص إن جيهان السادات تساعده .. دورى كان فقط فى أننى أقوله مثلا إن فيه واحد اسمه فلان عايز يقابلك ويقولك كذا .. فكان تانى يوم راح زار هذا الشخص فى المستشفى واستمع إليه ووصل الرسالة للرئيس عبد الناصر (ربما السيدة جيهان السادات كانت تقصد واقعة أحد التجار الذى كان محكوما عليه بالإعدام فى ذلك الوقت) .. يعنى كنت باحاول قدر المستطاع، مش التدخل فى قرار أو التأثير فيه .. لكن أوصل له معلومة، وحتى إذا كان هناك قرار اختلف حوله، كنت أقول رأيى فقط وهو يستمع ولا يرد .. فكل ما أفعله من منطلق "ما على الرسول إلا البلاغ" .. والناس ظلمتني فى حكاية اتخاذ القرار .. أنور السادات مش سهل، يعنى مش الراجل اللى كان أقوله يعنى مش عارف إيه فيقوم ينفذ .. وبعدين احنا اتخذنا قرار واتفاق من يوم ما اتجوزنا أنى ما ادخلش فى حياته، فى عمله يعنى وأنه هو لا يتدخل فى بيتي يعنى مثلا كمان لما كنت أقوم بالتدريس فى جامعة القاهرة كان فى قسم اللغة العربية يسارين كثير، وكانوا بيقولولى احنا بنعزك جدا لكن مش بنحب الرئيس السادات .. ازاي يروح إسرائيل ؟ .. أما أنا فكانت أحاول أن أجمع السادات بالناس اللى مش بتحبه .

وتقول جيهان السادات عن قرارات سبتمبر: لا أعتقد أن من حوله قاموا بتوريطه فيها .. ممكن يكونوا استغلوا الحالة وأن الشارع، إن بيغلى علشان "كامب ديفيد" ووقتها أعلن الرئيس السادات أنه مش هيستمر فى اعتقالهم على طول .. لكن لغاية لما يسترد سينا وكانت مسألة ستة أشهر .. ولقد عارضته فى كم هذه الاعتقالات اللى ماكانش ليها لازمة .. لكن عايزة أقول حاجة .. لما قتل الرئيس السادات فى حادثة المنصة هذه المجموعة كانت فى السجن، وأنا مش بأقصد السياسيين، أقصد القيادات الإسلامية اللى كانت موجودة فى السجن ساعتها .. لو ما كانش أنور



## مركز الأهرام للتنظيم وتكنولوجيا المعلومات

السادات اتحفظ عليهم .. يعنى ساعات أتصور أنى عارضة .. لكن بعد ما مات أقول يمكن هو حمي مصر وكان حاجز هذه القيادات الإسلامية .. ولو كانوا بره السجن كانوا عملوا قلاقل شديدة. وبعدين الناس كانت تتصور أن إسرائيل كانت هاتيحي تقول لنا خذوا سينا كده بسهولة .. لازم تكون فيه مفاوضات .. والسادات قبل كل ده قال لازم أعبر أولا علشان العالم يعرف أن الجندي المصري قادر على تحطيم خط بارليف .. ولولا "كامب ديفيد" كان زمانا زى سوريا الل بتحاول تعمل مفاوضات أو زى الفلسطينيين نحاول نتفاهم معاهم .. أنور السادات أنقذ مصر بلا شك .. دا أثناء نزوله فى المطار فى إسرائيل كانوا خايفين واستعانوا بقناصة وقوات أمن ويكون فى الطائرة قوات مصرية أو يتم تفجير الطائرة ويموت كل قيادات إسرائيل واللى موجودين .. يعنى كان هناك عدم ثقة خالص .. وقعدنا فترة مفيش ثقة متبادلة .. وأقدر أقول إن السادات كان سابق عصره .

وعندما سألتها مقدم البرنامج "محمود نافع" عن عدم اشتغال أبناء السادات بالسياسة، بينما يشتغل بها أبناء أشقائه قالت جيهان السادات: " هو أوصانا أنه مش عاوز حد منا يشتغل فى السياسة .. لأنه تعب منها وقاسى حاجات كثير وقتل فى النهاية بسببها .

هنا جاءت مداخلة من د. "هدى عبد الناصر" ابنة الرئيس الراحل جمال عبد الناصر .. بعدما سأل مقدم البرنامج عن رأى جيهان السادات فيما قالته بخصوص وفاة والدها .. هنا قالت "د. هدى": كلامى كان فى معرض حديثى عن سبب وفاة والدى، هل كانت طبيعية وللا مش طبيعية .. قلت دى حاجة مش ممكن حد يعرفها، وتطرق الكلام أنه كان فيه فترة فيها شك فى هذا الموضوع .. أنا مش بأتكلم عن حاجة واقع .. أنا أقول عن شك فى هذا الموضوع ..

وردت على ذلك جيهان السادات قائلة: أقول الله يسامحك يا هدى .. ها أقولك إيه يا بنتى .. أنت بنتى وربنا يسامحك على اللى أنت بتقوليه .. أنا كنت فى أمريكا لما قالت الكلام ده والأولاد قالوا لى واستغربت جدا، لأن هدى إنسانة عاقلة وموضوعية وهى بنتنا .. والإنسان علشان يتكلم لازم يكون عنده دليل قاطع وأعتقد أن الكلام ده عيب يتقال .

وحول ما قيل عن أن الرئيس السادات كان



## مركز الأهرام للتنظيم وتكنولوجيا المعلومات

ينوى ترك منصبه بعد العرض العسكري، ليتولى الرئيس مبارك رئاسة الجمهورية خلفا له قالت جيهان السادات: هذا حقيقى، فالرئيس السادات كان له إحدى عشرة سنة، يعنى كان باقى له سنة ويكمل الفترة الثانية، وفعلا قالها فى مجلس الشعب ولأصدقائه وقالها لى إنه بعد انتهاء المدة الثانية سيترك مقاليد الحكم للرئيس مبارك.

وعندما سألها مقدم البرنامج عن حقيقة الصراع مع أم كلثوم قالت جيهان السادات: أم كلثوم كانت صديقة وكان أنور السادات يبحبها ولا علاقة أبدا لما يقال.. ومشروع الوفاء والأمل عملته قبل مشروعها بسنة وهذا مسجل فى وزارة الشئون الاجتماعية.. واللى مش مصدق يروح يشوف.. والحاجة الثانية أتمنى أن كل السيدات يعملوا نشاط اجتماعى، وكان تقديرى لأم كلثوم كونها تعمل عمل اجتماعى بجوار رسالتها، ودى حاجة جميلة جدا تشكر عليها.

وبالنسبة للانتخابات الحالية، كنت أتمنى أن الحزب يقوم بتشرشيح كوادر من المرأة فى الانتخابات.. شخصيا أرى أن الحزب لديه من القيادات النسائية الرائعة المثقفة اللى على مستوى يفرح. ليه الحزب ما خلاش قيادات منهم تترك دوائهم وتشتغل سنة قبل الانتخابات وبعدين رشحهم.